



UPRAVNI ODBOR

Broj: 01-166-3/22
Sarajevo, 26.01.2022. godine

U skladu sa članom 17. Zakona o javnim nabavkama („Službeni glasnik BiH“, broj 39/14), članom 12, a u vezi sa članom 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine i broj: 01-1344-6/2012 od 27.07.2012. godine, na prijedlog Direktora, Upravni odbor Kantonalnog stambenog fonda Sarajevo, na 26. elektronskoj sjednici, održanoj dana 26.01.2022. godine, **donio je**

ODLUKU

o davanju saglasnosti na Plan javnih nabavki Kantonalnog stambenog fonda Sarajevo za 2022. godinu

I

Daje se saglasnost na Plan javnih nabavki Kantonalnog stambenog fonda Sarajevo za 2022. godinu, broj: 02-03-23/22 od 05.01. 2022. godine.

II

Odluka stupa na snagu danom donošenja i objavit će se na web stranici Kantonalnog stambenog fonda Sarajevo.

Predsjednik Upravnog odbora

Mr. sc. Đemil Fejzić, dipl.ing.građ.

Dostavljeno:

- Odjel za pravne i ekonomske poslove
- a/a



Obrazloženje

Pravni osnov

Pravni osnov za donošenje ove odluke sadržan je u odredbama člana 17. Zakon o javnim nabavkama kojima je propisano ugovorni organ, u ovom slučaju Kantonalni stambeni fond Sarajevo, može otpočeti postupak javne nabavke samo ukoliko je ista prethodno predviđena u Planu javne nabavke, kao Općem aktu kojeg donosi ovo pravno lice u skladu sa Zakonom.

Osim toga, pravni osnov za donošenje ove odluke sadržan je i u odredbama čl. 12. i 16. Statuta Kantonalnog stambenog fonda, kojim je propisano da direktor Kantonalnog stambenog fonda Sarajevo predlaže Upravnom odboru donošenje općih i pojedinačnih akata Fonda, a Upravni odbor kao organ upravljanja poslovanjem Fonda, shodno članu 12. Odluke o osnivanju Kantonalnog stambenog fonda Sarajevo, između ostalog, obavlja i druge poslove za koje je ovlašten, uključujući i donošenje konačnih odluka.

Razlozi donošenja

Razlozi donošenja ove odluke proizilaze iz potrebe da se, poštivanjem odredaba Odluke o osnivanju Fonda i Statuta Fonda, Upravni odbor odgovarajuće upozna sa sadržajem podnešene Odluke od strane direktora Fonda obzirom na činjenicu da je pomenutim propisima utvrđena njegova obaveza predlaganja pojedinačnih i općih akata Fonda, te da se o istoj meritorno odredi na predloženi način.

U konkretnom slučaju, predmet Odluke je davanje saglasnosti na Plan javnih nabavki kantonalnog stambenog fonda sarajevo za 2022. godinu, kao pravnog propisa/Općeg akta donesenog od strane direktora ovog pravnog lica na što je bio obavezan u skladu sa Zakonom o javnim nabavkama, a što predstavlja prethodno pitanje da Kantonalni stambeni fond Sarajevo može uopće u 2022. godini provoditi postupke javnih nabavki za vlastite potrebe.

Prema Statutu Kantonalnog stambenog fonda Sarajevo, ali i prema njegovom Osnivačkom aktu, Opća akta ovog pravnog lica donosi Upravni odbor, ili daje saglasnost na iste na prijedlog Direktora istog pravnog lica koji je po posebnim zakonima nadležan za donošenja istih za određene pravne oblasti, što je slučaj i na primjeru predmetnog plana javnih nabavki Kantonalnog stambenog fonda Sarajevo kojeg je po Zakonu o javnim nabavkama Direktor obavezan donijeti za potrebe Kantonalnog stambenog fonda Sarajevo.

Pravna rješenja

Tačka I.- Ovom tačkom se vrši preciziranje predmeta razmatranja Odluke.

Tačka II- Utvrđen je način stupanja na snagu Odluke.

Finansijska sredstva

Za realizaciju ove Odluke nije potrebno obezbijediti dodatna finansijska sredstva u Finansijskom planu Fonda.

